

$$a^2 + b^2 = c^2$$

10  
10


# მუსიკურისტები

ცუდოული პასტვების  
ძგანებულების მანაცვემების  
დაცვის შესხვა

პასტვებულების და მუსიკურისაც!

პერსონალურ მონაცემთა დაცვის  
ინსპექტორის აპარატი

Lee



# რეკომენდაციაში

## სკოლებში მოსახლეთა პირსონალური მონაცემების დაცვის შესახებ

### მოსახლეებისა და მომზადებისთვის<sup>1</sup>

ყველას აქვს პირადი ცხოვრების ხელშეუხებლობის უფლება, მათ შორის ბავშვებსაც. თუმცა, მათ, ზრდასრული ადამიანებისგან განსხვავებით, საკუთარი უფლებების დაცვა ხშირად დამოუკიდებლად არ შეუძლიათ და ამაზე მათმა მშობლებმა უნდა იზრუნონ. სკოლა ის ადგილია, სადაც მოსწავლე დღის დიდ ნაწილს ატარებს და მის შესახებ ბევრი მონაცემი ინახება. მშობელმა უნდა იცოდეს, რა არის მისი შეინიჭებულება მონაცემები და რა შედეგი შეიძლება მოჰყვეს ამ მონაცემების უკანონოდ გამოყენებას. სკოლა, თავის მხრივ, ვალდებულია დაიცვას მოსწავლეების პერსონალური მონაცემები და იმოქმედოს ბავშვის საუკეთესო ინტერესებიდან გამომდინარე, რაც გულისხმობს ყველა შემთხვევაში სხვა პირების/ორგანიზაციების ინტერესებზე წინ ბავშვის ინტერესების დაყენებას. ამავე დროს, ბავშვის საუკეთესო ინტერესის შეფასება უნდა მოხდეს ყველა კონკრეტულ შემთხვევაში ინდივიდუალურად, ისეთი გარემოებების გათვალისწინებით როგორიცაა: ბავშვის შეხედულებები და მისწრაფებები, ასაკი, პირადი ისტორია, უსაფრთხოების ინტერესი, ოჯახური გარემო, კეთილდღეობა, თანატოლებთან და უფროსებთან ურთიერთობა, მისი უფლებები და საჭიროებები და ა.შ.<sup>2</sup>

ეს დოკუმენტი განკუთვნილია მოსწავლეებისა და მათი მშობლების-თვის, რათა მათ მეტი გაიგონ საკუთარი უფლებების შესახებ და იცოდნენ, როგორ მოიქცნენ მათი უფლებების დარღვევის შემთხვევაში.

- 1 ეს რეკომენდაცია შეეხება მოსწავლეთა პერსონალური მონაცემების დამუშავების ყველაზე გავრცელებულ ფორმებს და შეიცავს მხოლოდ ზოგად ზესებზე მითითებებს. საქართველოს კანონმდებლობით შესაბამისი დადგენილი იყოს გამონაკლისი შემთხვევები. ყველა კონკრეტულ შემთხვევაში დეტალური ინფორმაციის მისაღებად შეგიძლიათ ისარგებლოთ პერსონალურ მონაცემთა დაცვის ინსპექტორის აპარატის უფასო საკონსულტაციო მომსახურებით. მოსწავლის მიერ საკუთარი უფლებების დამოუკიდებლად განხორციელების შესაძლებლობის შემთხვევაში, იგი სრულად სარგებლობს ამ დოკუმენტში მითითებული უფლებებით. რეკომენდაციში გამოყენებული ტერმინები „მშობელი“, „მშობლები“ იმავდროულად გულისხმობს სხვა კანონიერ წარმომადგენლებსაც.
- 2 გაერთიანებული ერების ორგანიზაციის ბავშვთა უფლებების კომიტეტი, ზოგადი კომენტარი №14, 2013 წ.

## რა არის თქვენი შვილის კარსონალური მონაცემები?

ნებისმიერი ინფორმაცია თქვენი შვილის შესახებ მისი პერსონალური მონაცემია. **მაგალითად:**

- ✓ ზოგადი ინფორმაცია თქვენი შვილის, როგორც მოსწავლის შესახებ

რომელ სკოლაში და რომელ კლასში სწავლობს? ვინ არის/არიან მისი მშობლები და როგორია მათი ოჯახური მდგომარეობა? სად ცხოვრობს? ვისთან მეგობრობს? როგორია მისი ყოფაქცევა?

- ✓ ინფორმაცია თქვენი შვილის სასკოლო განრიგის შესახებ

რომელ საათზე ეწყება გაკვეთილები? როდის აქვს შესვენება? რომელ დღეს, რომელ საათზე ამთავრებს სწავლას? რა დამატებით საგანს/წრეს ირჩევს?

- ✓ ინფორმაცია თქვენი შვილის ინტერესების შესახებ

რას აკეთებს შესვენებაზე? რა საკვებს ანიჭებს უპირატესობას? დაინტერესებულია თუ არა სპორტული აქტივობებით?

- ✓ თქვენი შვილის აკადემიური მოსწრება

რა ნიშანი ჰყავს ფიზიკაში? ხომ არ უჭირს ისტორიის სწავლა?

- ✓ ფოტო და ვიდეო მასალა თქვენი შვილის გამოსახულებით

პირად საქმეში არსებული ფოტო ან ფოტო/ვიდეო მასალა, რომელიც სკოლაში ინახება ან სკოლამ გაასაჯაროვა სოციალურ ქსელში ან სხვა საშუალებით.


✓ ინფორმაცია ჯანმრთელობის მდგომარეობის შესახებ

გადატანილი დაავადებები, ფსიქოლოგიური დახასიათება, ალერგიული ხომ არ არის და თუ არის რაზე? რა აცრები აქვს გაკეთებული? აქვს თუ არა კვების სპეციალური რეჟიმი?

✓ ინფორმაცია თქვენი შვილის მიერ ჩადენილ სამართალდარღვევასთან დაკავშირებით

✓ თქვენი შვილის რელიგიური შეხედულებები

✓ თქვენი შვილის ეთნიკური და რასობრივი კუთვნილების შესახებ ინფორმაცია



## რა უფლებები გაქვთ თქვენ, როგორც მოსწავლის მომზადე?

- თქვენ გაქვთ უფლება მოითხოვოთ ინფორმაცია თუ რა მონაცემებს ფლობს სკოლა თქვენი შვილის შესახებ, საიდან მოიპოვა მოხაცემები და რა მიზნით. ასევე, აქვს თუ არა მონაცემების შეგროვებისა და შენახვის კანონიერი საფუძველი? (**მაგალითად**, თქვენი თანხმობა, კანონით გათვალისწინებული შემთხვევა და სხვა.) სკოლა ვალდებულია ეს ინფორმაცია მოგაწოდოთ მოთხოვნისთანავე დაუყოვნებლივ ან არაუგვიანეს 10 დღისა, თუ ინფორმაცია მოძიებასა და დამუშავებას საჭიროებს.
- თქვენ გაქვთ უფლება იცოდეთ, ხომ არ გაუცია სკოლას თქვენი შვილის პერსონალური მონაცემები სხვა პირებზე. სკოლა ვალდებულია ეს ინფორმაცია მოგაწოდოთ მოთხოვნისთანავე დაუყოვნებლივ ან მოთხოვნიდან არაუგვიანეს 10 დღისა.<sup>3</sup>
- თქვენ გაქვთ უფლება მოითხოვოთ არაზუსტი მონაცემების გასწორება და უსაფუძვლოდ შეგროვებული მონაცემების წაშლა/განადგურება. სკოლა ვალდებულია შეასწოროს უზუსტო და წაშალოს უსაფუძვლოდ შეგროვებული მონაცემები 15 დღის ვადაში ან გაცნობოთ უარის თქმის საუძველი.
- თქვენ გაქვთ უფლება უარი განაცხადოთ თქვენივე თანხმობაზე თქვენი შვილის პერსონალური მონაცემების დამუშავების შესახებ. მაგალითად, თუ სკოლას ნება დართეთ განეთავსებინა თქვენი შვილის ფოტო სკოლის ვებგვერდზე/სოციალური ქსელის გვერდზე და შემდეგ გადაიფიქრეთ, შეგიძლიათ მოითხოვოთ ფოტოს წაშლა ყოველგვარი ახსნა-განმარტების გარეშე.

3 10 დღიანი ვადა გამოიყენება იმ შემთხვევაში, როდესაც პასუხის გაცემა მოითხოვს ინფორმაციის მოძიებასა და დამუშავებას.

- თქვენ გაქვთ უფლება დაცული იყოს თქვენი შვილის პერსონალური მონაცემების უსაფრთხოება. შესაბამისად, სკოლა ვალდებულია უზრუნველყოს თქვენი შვილის მონაცემების დაცვისთვის აუცილებელი ღონისძიებების გატარება.



## სკოლას აქვს უფლება:

- განახორციელოს ვიდეოთვალთვალი სკოლის ტერიტორიაზე, მაგრამ მხოლოდ პირის უსაფრთხოებისა და საკუთრების დაცვის, არასრულწლოვნის მავნე ზეგავლენისაგან დაცვისა და საიდუმლო ინფორმაციის დაცვის მიზნებისათვის. ვიდეოგადაღება დასაშვებია მხოლოდ შესასვლელსა და გარე ჟერიმეტრზე. გამოსაცვლელ ოთახებსა და პიგინის-თვის განკუთვნილ ადგილებში ვიდეოთვალთვალი დაუშვებელია.
- აკონტროლოს მოსწავლეების შენობაში შესვლა და შენობიდან გასვლა, ასევე, აღრიცხოს ვიზიტორთა სახელი და გვარი, საიდენტიფიკაციო დოკუმენტის ნომერი და სახე, მისამართი, შესვლისა და გასვლის თარიღები და დრო, ასევე შენობაში შესვლისა და შენობიდან გასვლის მიზეზები. ამ მონაცემთა შენახვის ვადა არ უნდა აღემატებოდეს მათი ჩანაცემის დღიდან სამ წელს. სამწლიანი ვადის გასვლის შემდეგ ისინი უნდა წაიშალოს ან განადგურდეს.
- ფოტო/ვიდეო გადაღებით დააფიქსიროს და შემდგომ გაასაჯაროვოს სასწავლო პროცესის მიმდინარეობა (მაგ. facebook-ზე, youtube-ზე), მაგრამ მხოლოდ მოსწავლის ან თქვენი წინასწარი თანხმობით. თანხმობის მიღებისას გათვალისწინებული უნდა იყოს მოსწავლის საუკეთესო ინტერესები.
- ჯანმრთელობის მდგომარეობის, რელიგიური შეხედულების, რასობრივი ან ეთნიკური კუთვნილების შესახებ და სხვა სენსიტიური ხასიათის მონაცემები შეაგროვოს, შეინახოს და სხვაგვარად გამოიყენოს მხოლოდ გამონაკლის შემთხვევებში. ამგვარი (განსაკუთრებულ კატეგორიას მიკუთვნებული) მონაცემების მიმართ კანონმდებლობით დადგენილია დაცვის უფრო მაღალი სტანდარტი.

ეს მონაცემები სკოლამ შეიძლება შეაგროვოს, შეინახოს და სხვაგვარად გამოიყენოს, მხოლოდ გამონაკლის შემთხვევებში. **მაგალითად**, თქვენი წერილობითი თანხმობით, ან, თუ ეს აუცილებელია, თქვენი შვილის ან სხვა მოსწავლის სასიცოცხლო ინტერების დაცვისთვის და სხვა. განსაკუთრებულ კატეგორიას მიკუთვნებული მონაცემების გასაჯაროება ან მესამე პირებისთვის გამჟღავნება დაუშვებელია თქვენი თანხმობის გარეშე.<sup>4</sup>



<sup>4</sup> თუ საქართველოს კანონმდებლობით სხვაგვარად არ არის დადგენილი.

## თუ მიგარენათ, რომ თქვენი ან თქვენი შვილის უფლებები ირღვევა, შეგიძლია:

- მიმართოთ **სკოლას** და მოითხოვოთ დარღვევის აღმოფენა, როგორც წერილობით ისე ზეპირი ფორმით. ზოგიერთ შემთხვევაში ვითარების სპეციფიკურობიდან გამომდინარე შესაძლებელია დადგენილი იყოს წერილობითი მიმართვის ფორმა.
- მიმართოთ **პერსონალურ მონაცემთა დაცვის ინსპექტორის აპარატს**, რომელიც შეისწავლის გარემოებებს და დარღვევის დადასტურების შემთხვევაში, უფლებამოსილია სკოლას დააკისროს ადმინისტრაციული პასუხისმგებლობა (მაგალითად, ჯარიმა), მოსთხოვოს მონაცემების წაშლა, გასწორება და სხვა.
- მიმართოთ **სასამართლოს** ქონებრივი ან მორალური ზიანის ასანაზღაურებლად და დარღვეული უფლებების აღსადგენად.



## გთხოვთ გაითვალისწინოთ!

პერსონალური მონაცემების უკანონო გამოყენებამ შესაძლოა მნიშვნელოვანი ზიანი მიაყენოს თქვენი და ოქვენი შვილების ინტერესებს. ამიტომ გაიგეთ მეტი თქვენი უფლებების შესახებ და თქვენს შვილებსაც ესაუბრეთ მათ უფლებებზე. საკუთარი უფლებების აქტიური დაცვით თქვენ ქმნით პოზიტიურ მაგალითს და ხელს უწყობთ სხვისი უფლებების დაცვასაც.

პირსონალურ მონაცემთა დაცვის  
ინსპექტორის აკარატი

თბილისი, ნ.ვაჩნაძის 7

(+995 32) 2 42 1000

[office@pdp.ge](mailto:office@pdp.ge)

[www.personaldata.ge](http://www.personaldata.ge)

[FB/DPAGeorgiaOfficial](#)

